

rum in superficie seorsim & contere: similiter durum & magis fixam in fundo seorsim: Tunc primo impone Mercurium vivum, postea raram & in fine densum: In sex imbibitionibus inveni octo libras & septendecim & dimidium lotonem cinerum siccorum & in qualibet libra volatile: sed finaliter post debitam fixationem manent tandem septem libræ & residua deponuntur in fixatione ut infra.

*De totali fixatione Mercurij præcipitati.*

Postea fortiori igne digerantur & semper post quatuor dies exponantur, & fundalia omnino sicca & fixa auferantur & seorsim in vas speciale simul reponantur, tunc mercurius vivus à superioribus domatur & non reimponatur, sic continua donec cineres in toto siccentur & figantur. Horum ex septem lotonibus lunæ ut supra, obtinui septem libras, ut dictum est.

Secretum magnum, quando non plus augmentantur aut pro libitu augmentasti & fixasti tunc serva quatuor libras pro fermento, & residuum iterum revivifica: postea iterum fige. Sic iterando seorsim pone ad sublimationem magnam absque volatili, & materiam in fundo reverbera, solve & coagula & reitera & fermentum serva in quo fige volatilia & erunt alba: Et quando tunc debet fieri volatile, tunc non ascendit sed in fundo fluit. Nota quando cineres in proportionato igne cum aquis fortibus imbibis bene & in iis poteris prius solvere Mercurium mundum: solem & lunam, aut recipe aquam fortem in qua prius est solutum argentum. Ecce continua fermentationem & postea eadem corpora perfectam in sublimatione magna continuo fiunt volatilia, ut supra, & peragis opus tribus diebus. Sublimatio magna facit fixum volatile: In ea copulantur tres partes volatilis cum una parte fixi, aut plus secundum dispositionem cinerum levandorum, & quod in fundo manet & non levatur ipsum iterum cum æquali parte levabis: Et quod omnino non potest levare pro terra nostra cruda & mortua servabitur. Corpus enim non sublimatum absque spiritu neque absque corpore spiritus figitur.

Accepi octo lotones fixissimorum cinerum ad omnem magnam & libram unam Mercurii bene animati, & sublimavi totum præter duas drachmas: Deo sit Laus. Pro magna, pro maxima recipiatur ad unam pixidem una marca fixi & duæ libræ volatilis, Ferratiensis volat cum volantibus, quiescit cum quiescentibus.

*Reviv*